

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Quid sit votum? 1

urn:nbn:de:hbz:466:1-38762

- ¶ Decimo, utrum votum sit dispensabile vel commutabile?
 ¶ Undecimo, utrum in solemini voto continentia possit dispensari?
 ¶ Duodecimo, utrum requiratur in dispensatione voti, superioris auctoritas?

A R T I C. I.

Vtrum votum consistat in solo proposito voluntatis?

A D primum sic proceditur. Videtur, quod votum consistat in solo proposito voluntatis. Quia secundum quosdam, vobis est conceptio boni propositi cum animi deliberatione firmata, qua quis ad aliquid facendum vel non faciendum se Deo obligat. Sed conceptio boni propositi cum omnibus qua adduntur, potest in solo motu voluntatis consistere. Ergo votum in solo proposito voluntatis consistit.

¶ 2 Præterea, ipsum nomen voti videtur à voluntate assumpsum. Dicitur enim aliquis proprio voto facere, qua voluntarie facit. Sed propositum est actus voluntatis: promissio autem rationis. Ergo votum in solo actu voluntatis consistit.

¶ 3 Præterea, Dominus dicit Luc. 9. Nemo mittens manus ad aratum, & aspiciens retro, aptus est regno Dei. Sed aliquis ex hoc ipso quod habet propositum beneficendi, mittit manū ad aratum. Ergo si aspiciat retro, desistens à bono proposito, non est aptus regno Dei. Ex solo ergo bono proposito aliquis obligatur apud Deum, etiam nulla promissione facta. Et ita videtur, quod in solo proposito voluntatis votum consistat.

SED contra est, quod dicitur Ecclesiast. 5. Si quid vovisti Deo, ne moreris reddere: displicet enim ei infidelis & stulta promissio. Ergo vovere est promittere, & votum est promissio.

RESPONDEO dicendum, quod votum quamdam obligationem importat ad aliquid faciendum vel dimittendum. Obligat autem homo se homini ad aliquid per modū promissionis: que est rationis actus, ad

470

4. dif. 3. 8.

q. 1. art. 1.

q. 1.

Z. 3. quam

quam pertinet ordinare. Sicut enim homo imperando, vel deprecando ordinat quodammodo quid sibi ab aliis fiat: ita promittendo ordinat quid ipse pro alio facere debeat. Sed promissio, quæ ab homine fit homini, non potest fieri, nisi per verbam vel quæcumque exteriōra signa. Deo autem potest fieri promissio per solam interiorem cogitationem: quia ut dicitur primo Regum 16. Homo videt ea quæ parent, sed Deus intruetur cor. Exprimuntur tamen quandoque verba exteriōra, vel ad sui ipsius excitationem, sicut circa orationem dictum * est: vel etiam ad alios contestandum, ut non solum deficiat à fractione votū proprii timorem Dei, sed etiam propter reuerentiam hominum. Promissio autem procedit ex proposito faciendi. Propositum autem aliquam deliberationem præxigit, cum sit actus voluntatis deliberata. Sic ergo ad votum tria ex necessitate requiruntur. Primum quidem, deliberatio. Secundo, propositum voluntatis. Tertio, promissio, in qua perficitur ratio voti. Superadduntur vero quandoque & alia duo ad quamdam voti confirmationem, scilicet pronuntiatio eius secundum illud Psalmi 65. Reddam tibi vota mea, quæ distinxerunt labia mea. Et iterum testimonium aliorum. Vnde Magister dicit* 38. distin. quarti libri sententiarum, quod votum est testimonio quædam promissionis spontaneæ, quæ Deo, & de his quæ sunt Dei, fieri debet. Quamvis testificario possit ad interiorem testificationem propriè referri.

Ad primum ergo dicendum, quod conceptio boni propositi non firmatur ex animi deliberatione, nisi promissione deliberationem consequente.

Ad secundum dicendum, quod voluntas mouet rationem ad promittendum aliquid circa ea, quæ eius voluntati subduntur. Et pro tanto votum à voluntate accipit, non quasi à primo mouente.

Ad tertium dicendum, quod ille qui mittit manum ad aratum, iam facit aliquid: sed ille qui solum proponebit, nondum aliquid facit. Sed quando promittit, iam

q. 83. ar.
12.

§. A.

iam incipit se exhibere ad faciendum; licet nondum
implete quod promittit: sicut ille qui ponit manum
ad arandum, nondum arat; iam tamen ponit manum
ad arandum.

ARTIC. II.

Votum votum semper debeat fieri de meliori bono?

AD secundum sic proceditur. Videtur, quod votum non semper debeat fieri de meliori bono. 471
Dicunt enim melius bonum, quod ad supererogationem pertinet. Sed votum non solum sit de his quæ sunt supererogationis; sed etiam de his quæ pertinent ad salutem. Nam & in baptismo vount homines ab renuntiare diabolo & pompis eius, & fidem seruare, ut dicit * glossa super illud Psal. 75. Vouete & redimitur ex Cels.
dite Domino Deo vestro. Jacob etiam vouit quod est ei Dominus in Deum, ut habetur Genes. 28. Hoc & Aug.
autem est maximè de necessitate salutis. Ergo votum in hoc: to.
non solum sit de meliori bono.

P 2 Præterea, lepte in catalogo sanctorum ponitur: ut patet Hebræorum undecimo. Sed ipse filiam innocentem occidit propter votum, & habetur Iudic. undecimo. Cum ergo occisio innocentis non sit melius bonum, sed sit secundum se illicium: videtur quod votum fieri possit non solum de meliori bono, sed etiam de illicitis.

P 3 Præterea, Ea quæ redundant in detrimentum personæ, vel quæ ad nihil sunt utilia, non habent rationem melioris boni. Sed quandoque fiunt aliqua vota de immoderatis vigilijs vel ieiunijs: quæ vergunt in periculum personæ. Quandoque etiam fiunt aliqua vota de aliquibus indifferentibus, & ad nihil valentibus. Ergo non semper votum est melioris boni.

SED contra est, quod dicitur Deut. 23. Si nolueris polliceri, absque peccato eris.

RE S P O N D E O dicendum, quod sicut dictum est*, votum est promissio Deo facta. Promissio autem præst.